

《中國地方藝文薈萃》編委會 編

中國地方藝文薈萃

學苑出版社

華東卷·第十二輯 伍

華東卷·第十二輯
伍

中國地方藝文薈萃

《中國地方藝文薈萃》編委會 編

德州师范学院内部使用

沈南疑先生橋李詩繫四十二卷（四）

貴州师范学院内部使用

沈南疑先生樵李詩繫四十二卷（四）

（清）沈季友輯

據清康熙四十九年（一七一〇）金南鏌敦素堂刻本影印

沈南疑先生攜李詩繫第二十三卷目次

平湖 金 南鏌 夏聲 校閱

國朝

倦圃先生曹溶三十八首

胡教諭明遠五首 葉舉人方宸一首

徐學訓柏齡三首 陳秀才許廷一首

許秀才善四首 程沔陽丁古一首

龍坑先生程觀生二首 褚舉人廷瑄二首

鍾侍郎鼎一首 顧秀才問一首

朱樂陵萬錡一首 袁貢士祿一首

徐秀才濟貞二首 汪司幕珂玉三首

陸舉人上瀾十首

蔣伏羗薰七首

朱上舍茂曜三首

鍾秀才諫二首

沈舉人日昆一首

王同知睿三首

鈕漳浦應斗一首

汪進士挺一首

魏封君廷薦一首

張貢生賡奏一首

曾画士鯨一首

胡太學夏容十一首

屠教授爨二首

東湖遺老錢士馨九首

黃解元濤七首

朱舉人一是四首

虞舉人相堯四首

莊封君日思三首

李教諭新枝二首

芾園先生朱茂琬一首

沈太學章五首

姚秀才佺一首

孫貢士一騶一首

張秀才履祥一首

徐太學仲選一首

沈太學原淳一首

徐秀才淮一首

沈秀才文輝一首

戈金湯一首

沈南疑先生樵李詩繫第二十三卷目次終

林五言集

沈南疑先生攜李詩繫第二十三卷

平湖 金 南鍊 夏聲 校閱

國朝

倦圃先生曹溶

溶字潔躬號秋嶽平湖人居秀水崇禎丁丑進士
由行人授御史入 本朝以御史視學畿內歷副
都御史戶部侍郎外轉廣東布政後降補山西陽
和道裁缺還里甲寅逆藩叛閣臣薦為邊才隨征
福建丁母憂不受職而歸戊午以宏博徵復薦修
明史俱辭不赴乙丑八月卒年七十三溶天性梗
直為御史劾輔臣謝陞削籍熊開元密叅周延儒

廷杖溶疏白其寃甲申爲流賊所執拷掠三晝夜
委廐中得不死後任副憲時遇熱審多平反居塞
上五年歲饑力請賑救生平長於經濟未竟其用
乃獨肆力於文章諸體雄駿而尺牘尤多長牋小
幅人爭寶之其詩源本少陵蒼老之氣一洗嫵調
與合肥龔鼎孳齊名世稱龔曹晚年自號鉏菜翁
築室范蠡湖顏曰倦圃時花種竹置酒倡和無虛
日愛才若渴四方之士倚爲雅宗者四十年家多
藏書勤於誦覽嘗以明季門戶紛爭是非失實輯
續獻徵錄六十卷又痛禎朝輔相失人著五十輔
臣傳五卷外有靜惕堂詩文集三十卷年來予每

從倦圃遊始歎先民風流未墜茲錄其詩概置已
刻者惟取閩遊集及癸亥迄乙丑之作用冠斯卷
一代鉅公足以起衰式靡矣

下建溪諸灘

辭家違素心薄質困戎輅水宿以圖安涉險豈復怖挂
席繇浦陽連旬溯風霧割嶺置洪潭居卑向誰訴劍戟
起搏人犀利不可忤偃者類牛馬掉尾飲而顧茹波隨
瀉之噴沫鼓餘怒吹舟掠若浮長風那足慕翁忽遊盤
渦巨噬躡前路揆施屢折旋簸舞慎所措爰悟乘勢巧
趨避都有故願築陽侯勳縮地使相附將無丘與陵吳
楚特朝暮惜哉南服殊千里局庭阼僕本振奇子擇友

及鷗鷺佳遊慰目前一笑失沉痾

上建溪諸灘

粵馬未全歸八閩儼南塞崩洪方疾趨巨石撞而礙萬
石爲一灘起伏互禪代疑從太始來屏山觸浪碎忽散
等飄鳧虛際浴微黛縱逸不可羈參伍寫其態雖有百
斛舟摧剗力相戴噴空千丈雪束之拳曲內水德本善
柔一怒莫能耐洶洶浩有聲足以激頑憤長年工審勢
奮氣與之對側戛風雷魂逆摩蛟螭背瞬目爭纖毫既
進駭復退艱澀愧利涉功半事乃倍未覺異登車檣櫓
皆歷塊寧無居處安盤錯我所愛百鍊終不辭出險荷
天賚

苦蕒

往者登北嶽庫隘愧未稱黑壤育貞松五鬣覆天鏡首
夏尚淒切冰窖礙途徑苦菜獨含和青蕒挺寒竄采擷
敢告疲實礪齒牙勁茲泣三山隅水族既繁盛上客進
瑯盤肥膾茹餘佞朔南雖兩鄉是物有恆性荒世任奢
取儉者得其正羣營目曠歡難療畢生病野趣滿數莖
執匕悚而敬飽食謝煩憂洒洒夢飛磴重與神人期遐
舉發清詠

瓶山詩

我禾枕川藪有地稱瓶山體非石所作坏土居市闌牂
羊牧其上童稚爭牽攀既失雲雨潤枯榛穴中間小物

冒嘉謚久假而未還喻彼斗筭質夸大潛相姦遙探漢
武紀整師驅百蠻酒算此由立征利輕痼瘵苟可浚民
脂歷代孰肯刪綿延南渡初境蹙勢乃孱禾城克右輔
扼要如當關人戶頗殷庶貢稅馴不頑設官營權務良
貴出納慳儀狄爲我師美醞職所嫻安知杯勺微堪敵
九府園歲長堆斷在冗雜生彎環其高二三仞蟲啣苔
花斑聊供憑弔資登眺則已艱治王御廣宇軍旅咸就
班方斥管商術力馭黃虞還枝署豈復贅陳迹徒荒閒
永爲名士宅締造需百鍰魏墉謹闌入列卉垂煙鬢青
泥煩掃除朱楯增編嵒阮雖可追沉酒摧壯顏動發
千載愁涕下同潺湲

題東井畫黃葉村莊圖爲吳孟舉贈

昔賢畫品重人物近代始用山水奇輞川北苑好標格
白戰安藉膠粉爲千年沿襲罕傑制似策欵段當金羈
非關作者腕運薄靈境未遇難力追吳鄉勝跡細如髮
其間坦迤失險巖延陵先生擅丘壑手挽嵩華開階基
滄江一道剪芒忽臥對終日生清漪曲房彷彿美人下
廣庭或與高僧期昨歲我曾掉船入自起酌我白玉卮
遍探窅邈至曛黑妙得神解非掇皮本葉飄飄滿溪路
傲岸恰與秋情宜一別已傷塵事隔寧料復慰胸中思
乃知敏手善體物滿眼蕭瑟經營遲豈特纖毫極形似
意在寫出凌霜姿據坐一揮奪萬卷四方賓客合不離

項子累朝傳畫訣謹師堂構加淋漓平居義不受煎逼
祇取放浪酬心知此莊此圖實交做肯學豪俊徒趨時

兔毫錢歌報陳若水

建安黑窰天下奇土質光恠欺琉璃內含紋澤細毫髮
傳是窰變非人爲宋家茶焙首北苑必湏此錢相鼓吹
銀絲冰芽潔莫比取白注黑乖所宜誰知往哲嗜淳雅
目繫彩翠心不怡求器求才兩無異力斥炫燿追純熙
大素將窮秘文出中山之穎開威儀六百年間幾灰劫
兵喧火烈仍子遺歲加斑駁異常制砂痕蝕盡參敦彝
陳公知我饒古癖拏舟割愛來見貽梅檀作室法錦囊
啓視端可輝鬚眉涼軒酌水敢輕試覩物想像元祐時